



*Preparing Career Ready Graduates*

## BOARD OF EDUCATION

Keshia Thomas, President  
Valerie F. Davis, Clerk  
Claudia Cazares  
Genoveva Islas  
Elizabeth Jonasson Rosas  
Carol Mills, J.D.  
Major Terry Slatik USMC (Retired)

## SUPERINTENDENT

Robert G. Nelson, Ed.D.

### **Lus Tshaj Qhia los ntawm Hauv Paus Tsev Kawm Ntawv Tus Tuam Thawj Tswj Nelson July 21<sup>st</sup>, 2020**

Lub lis piam dhau los, peb tau tshaj tawm ib qho xov xwm uas nyuaj heev hais tias xyoo kawm 2020/2021 yuav pib tus qauv kawm ntawv hauv online tag nrho lawm xwb rau TAG NRHO cov neeg kawm. Tus qauv kawm hauv online 100% yuav muaj kawm mus kom txog yam tsawg tshaj yog lub 10 hli tim 9<sup>th</sup>, 2020, uas qhia tau hais tias yog qhov kev kawm ntawm thawj thawj lub quarter ntawm kev kawm. Raws li nej twb tau knov los ntawm lub xeev tus tus tuam thawj tswj uas yog tus Governor Newsom tau hais tias, cov nroog xws li peb lub xeev uas tau raug muab teev npe ua lub nroog uas raug saib xyuas nruj uas tsis tso cai kom qhib kev kawm ntawv tim ntsej tim muag nyob rau lub sij hawm tam sim no, txawm txoj kev kawm zoo npaum li cas los yeej tsis pub muaj kev sab laj tau li. Peb yeej xav muab cov kev xaiv rau peb cov niam txiv txog kev xaiv tuaj kawm hauv tsev kawm ntawv los yog kawm hauv online tiam sis, qhov teeb meem ntawm txoj kev noj qab haus huv tau muaj kev tsis zoo zuj zus txij li thaum pib los thiab tam sim no peb kuj zoo siab los pom tau hais tias peb tau ua kom raug txoj cai raws li lub xeev txoj kev qhia. Txoj kev ruaj ntseg rau peb cov tub ntxhais kawm ntawv, peb cov neeg ua hauj lwm, thiab lawv cov tsev neeg yog qhov tseem ceeb tshaj plaws rau peb lub hauv pauv tsev kawm ntawv.

Ua tsaug rau qhov, uas peb twb npaj tau thiab koom rau txoj kev kawm hauv online li tam sim no los tau ib ntus lawm uas qhov no yog tej yam yuav tsum tau muaj. Kuv cog lus tau hais tias thaum peb cov tub ntxhais kawm ntawv pib qhov kev kawm ntawv hauv online thaum lub 8 hi, nws yuav txawv tshaj li qhov peb cov tub ntxhais kawm ntawv tau pom thaum lub 3 hlis tim 16, thiab peb yuav ua raws nraim li [Tus Tuam Thawj Tswm Lub Xeev cov kev tim tsum uas tshaj tawm lub lis piam dhau los](#). Qhov tseem ceeb tshaj, txhua tus tub ntxhais kawm ntawv yuav tau txais kev qhia ntawv tshwm sim tam sim ntawd los ntawm lawv tus xib fwb txhua txhua hnuv. Tsis tag li ntawd, txhua txhua tus tub ntxhais kawm ntawv muaj cai tau txais hauv paus tsev kawm ntawv ib lub computer los yog tablet los mus pab lawv kawm ntawv hauv online. Peb twb tau muab ntau tshaj li ntawm 60,000 lub rau peb cov tub ntxhais kawm ntawv, tiam sis yog hais tias koj tus tub ntxhais kawm ntawv tseem tsis tau txais ib lub thiab kuj xav tau ib lub thiab, thov hu tuaj rau ntawm peb Qhov Chawv Pab Tsev Neeg Rau Technology ntawm (559) 457-3939.

Peb pib qhov peb hu hais tias, “eLearn ntawm Kuv Lub Tsev Kawm Ntawv” los yog “eLearn at My School”, qhov uas txhua tus tub ntxhais kawm ntawv yuav tau kawm hauv online txhua hnuv kawm ntawv nrog rau kev txuas mus rau lawv lub tsev kawm ntawv. Piv txwv, yog hais tias koj mus kawm rau lub tsev kawm ntawv Hoover hauv qib 10 koj yuav yog ib tug tub ntxhais kawm ntawv kawm tom tsev kawm ntawv Hoover txuas ntiv thiab ua hauj lwm nrog koj cov xib fwb thiab neeg ua hauj lwm nyob rau tom Hoover xws li yav dhau los, qhov txawv ces yog hais tias cov kev kawm yuav muaj hauv huab cua nkaus lawm xwb.

Thaum xyoo kawm ntawv pib rau lwm lub hli, eLear Nyob Rau Tom Kuv Lub Tsev Kawm Ntawv los yog eLearn At My School yuav muaj rau TAG NRHO peb cov tub ntxhais kawm ntawv thiab txhua txhua pab pawg me nyuam xws li qhov kev kawm ntawv, kev kawm qib K-12, Cov Hauv Kev Kawm Lwm Yam (Alternative Education), thiab Kev Kawm Rau Cov Neeg Muaj Hnuv Nyoo (Adult Education). Nws yuav muaj kev qhia ntawv tshwm sim tam sim ntawd txhua hnuv los ntawm koj tus me nyuam tus xib fwb, thiab cov tub ntxhais kawm ntawv yuav tau kawm peb hauv paus tsev kawm ntawv cov ntaub ntawv txais yuav

coj los qhia, yuav pom kev qhia ntawv zoo tib yam li lawv kawm hauv lawv chav kawm ntawv. Peb cov tub ntxhais kawm ntawv yuav muaj cov hwm tsam koom tes nrog lwm tus tub ntxhais kawm ntawv, lawv yuav tau txais kev pab rau tej tug tub ntxhais kawm ntawv, thiab peb npaj muaj qhov kev kawm ob hom lus (dual immersion), cov chav kawm AP, cov chav kawm siab (Honors courses), cov chav xaiv kawm tau, thiab kev kawm hauj lwm CTE kom muaj li qub.

Lub xeev twb tau qhia ib co xov xwm ntov txog cov kev tim tsum rau kev tshaj qhia cov tub ntxhais tuaj kawm ntawv thiab cov kev tim tsum rau cov sij hawm qhia ntawv, yog li ntawv nws muaj tseeb hais tias, peb yuav soj ntsuam txog tub ntxhais kev tuaj koom kawm ntawv txhua hnuv, thiab peb yuav muab cov ntaub ntawv ua kom tau qhab nia raws li peb txoj cai muab qhab nia. Peb cov neeg twg tab tom ua hauj lwm saib peb yuav muab peb qhov kev xeev tau ntawm thawj thawj lub quarter coj los saib thiab saib seb tub ntxhais kawm ho poob tej yam kev kawm dab tsi los ntawm lub quarter kawg tag los vim cov tsev kawm ntawv raug kaw lawm.

Txoj kev kis tus kab mob COVID-19 tsis yog ib lub tsev kawm ntawv kheej qhov teeb meem xwb, tiam sis nws yog ib qho teeb meem rau tag nrho peb lub zej zog. Peb yuav tsum ua hauj lwm ua ke li ib lub zej zog los ua ntawm peb ntiag tug los tswj kev kis ntawm tus kab mob. Peb paub hais tias peb cov hwm tsam coj cov tub ntxhais kawm ntawv rov tuaj kawm hauv tsev kawm ntawv tim ntsej tim muag tsis tau yog vim muaj cov neeg kis tus kab mob coob hauv lub nroog, muaj cov kis tus kab mob coob, thiab tsev kho mob ntim tsis tag. Peb yuav tsum ua kom peb lub nroog raug tshem tawm ntawm daim ntawv teev cov nroog uas muaj neeg kis tus kab mob tshaj kom tsawg tshaj yog 14 hnuv sib lawg lia thiaj mam muab saib seb puas tsim nyog rov qab tuaj kawm ntawv hauv tsev kawm ntawv.

Ua ib lub tsev kawm ntawv peb ua txhua yam li qhov peb ua tau los mus ua ntawm peb feem koam cia cov tub ntxhais kawm ntawv thiab neeg ua hauj lwm nyob rau hauv tsev, xyaum txoj kev nyob sib nrug xws li kev hnav ntaub thaiv qhov ncauj qhov ntswg thiab nyob kom sib nrug, thiab kom muaj kev mus cuag kws kho mob thiab ntsuas mob. Peb tim tsum kom tag nrho lub zej zog los koom tes nrog rau peb los mus ua ntawm nyias ntiag tug los ntawm kev nyob rau hauv tsev, npog qhov ncauj thaiv qhov ntswg thiab nyob sib nrug lib 6 kauj ruam ntawm cov neeg koj tsis nrog nyob.

Nws muaj ntau yam ntaub ntawv uas tseem tab tom muaj kev koom tes thiab sib tham kom haum nrog rau peb cov koom haum saib xyuas cov neeg ua hauj lwm, thiab peb yuav coj los qhia kom ntau tshaj rau sawv daws txog cov kev pom zoo kom sai li sai tau thaum peb tau txais lawm xws li cov tub ntxhais kawm ntawv cov sij hawm, cov kev pab rau internet, thiab cov kev pab rau peb cov tub ntxhais kawm ntawv tshwj xeeb, cov tub ntxhais kawm lus As Kiv thiab peb cov tub ntxhais nrog niam qhuav txiv qhuav nyob. Thov saib ntsoov peb rau ntawm peb qhov website [www.fresnounified.org](http://www.fresnounified.org) thiab hauv peb cov social media xws li Facebook, Twitter, Instagram, thiab LinkedIn. Ua tsaug rau Hauv Paus Tsev Kawm Ntawv Cov Tsev Neeg!